

薄

繹

上

漢

釋

序

今天下競言愛國矣而國仍不治何也本先撥也孟子謂國之本在家家之本在身身者親之枝也故禮經曰立愛自親始孝經亦云不愛其親而愛他人者謂之悖德人必能親愛其父母兄弟然後能推其所愛次及於宗族鄉黨則愛鄉之義起焉顧鄉之爲義狹則萬二千五百家廣則自一鄉一邑一郡以至一省而鄉之界域益寬而愛鄉之願力亦益宏第此所謂愛僅就旁推言若由鄉而上推之則每鄉之鄉土地理鄉土歷史凡伊古以來鄉先生鄉大夫之事識大識小皆散載於郡縣志及一省之通志此文獻所留貽鄉之人皆當愛護之以資考證即孟子由鄉而國而天下猶以爲未足又尙論古之人詠其詩讀其書欲知其人論其世之意也今

樹五袁公既終養而施政于家爲善於鄉有年矣又本尙友之義推廣其愛鄉之心凡滇事之未經鄉先達纂輯者胥愛之重之編爲滇繹四卷付諸剞劂以盡保存之力而寓深愛之意此非好古傳述可竊比於老彭者耶非於靡瞻靡依之餘發抒其敬恭桑

梓之明驗耶按前明謝氏肇瀾撰滇略十卷大都本圖經舊文引據而敘述之至清初
馮氏魁仿其事本大體著慎考二卷雖撮舉治亂大端足資考核而於山川古蹟人物
土產藝文之類悉削不載至鄂爾泰等所監修之雲南通志固勝於舊通志而漏略亦
所不免今

爲拾遺補闕說究心於慎事則慎於今日近接緬甸安南關繫外交綦重尤爲西南要
區凡地方之利害政治之得失民生之休戚必更有綢繆未雨者保衛鄉里卽所以干
城國家愛國之心不基於是歟禮年雖垂耄或猶得覩
公竟信其老矣杖以觀德化之成也

癸亥秋七月朔七十八老人孫樹禮踞庵序於京師

愼繹序

是書爲石屏袁樹五先生所撰先生精攷據擅詩古文辭生愼長愼而尤戀愛於愼僑居昆明專事著述暇輒看書凡關於愼事者隨見隨採隨編正其譌誤補其闕略讀萬卷書窮數年力勞搜博拾成茲鉅製都爲四卷名曰愼繹夫愼位國之西南隅自中原視之若無與於重輕之數然從有史以來已歷二千餘年之久其故實之散見於載籍者所在皆是前之紀愼掌故者有阮芸臺雲南通志王樂山備徵志師荔屏愼繫等書先生斯作徵舊聞引近事自開愼以迄于今凡爲通志備徵志愼繫所載者多不入是真可補諸書之不及而資後人以攷証也書成命燦校訂雖兩再四莫贊一詞燦鄉人也讀先生是書亦與先生同茲戀愛之情雖然豈獨燦哉吾知愼人讀之必起愛鄉之觀念國人讀之或爲修史所取材乎時民國十二年癸亥夏昆明王燦謹序

題辭

慎事數經亂其文或簡脫士生古人後心爲古人奪罔敢有異同譌舛轉相屬君獨析其疑不隨衆唯諾縑幽挈長繩發鍵探秘鑰李肇國史補鑿齒耆舊略茲編實兼之俗儒得無忤作者日以多空文無所託毋寧網放失亦復寓筆削君以三長筆承明當著作却歛江海量酌此一杯勺終焉具史裁致博不如約

劍川趙式銘弢甫

滇繹序

滇吾鄉也吾遊數萬里覺可戀可譽之地莫滇若焉讀滇志滇繫諸書猶有管窺之助
因隨筆之名曰滇繹願以告同心之戀鄉譽鄉者移山篋主人識



滇繹卷一

石屏袁嘉穀撰

滇

滇顛也言最高之頂也說文天顛也人之高頂爲顛頂之最高爲天諺曰一日上一丈雲南在天上莊蹻由楚沅水泝流而南及最高境因號曰滇池滇池國滇國王滇王皆含自大之意史記漢使者至滇滇王問漢孰與我大及夜郎侯亦然蓋自戰國迄西漢又數百年而滇王自大之意且露於言辭間矣然今人之譏自大者輒言夜郎而不言滇可知滇有自大之資格故史記云使者還因盛言滇大國足事親附山川疆土西南一奧區也

文選上林賦文成顛歌注引文穎曰文成遼西縣名顛益州顛縣其人能作西南夷歌顛與滇同也漢書相如傳注作顛即滇也

雲南

雲南之稱在漢僅永昌郡之一縣蜀漢名郡亦在迤西隋書梁睿傳請置雲南西爨等總管皆非全省之名也唐乃有以南詔爲雲南者新舊唐書南詔傳開元二十六年册歸義爲雲南王五詔寢弱是時未全據迤西地天寶七年歸義卒詔立子閣羅鳳襲雲南王是時亦只據迤西地香山新樂府從茲始免征雲南即指閣羅鳳時之雲南貞元十年册異牟尋爲南詔蓋南詔不願名雲南王也元世祖中統十三年設雲南行中書省以賽曲赤瞻思丁爲之乃沿至今阮氏野史漢有仁果都激江號雲南王不知所據雲南以天文爲名

中華各行省以地理名者曰山陝川湖河粵蘇浙閩甘貴新疆龍江吉林而直隸取于政制奉天本府名與順天府同非省名也省名本爲盛京仍屬地理

直奉省名
今宜改

惟雲南取

天文

以雲爲地文乃
近日新發明

抑一奇也

雲南二字古小而今大甯州晉甯大理姚州古大而今小

漢劉熙釋名釋天雲猶云云衆
盛意也又言運也若運行也

濮

濮見周書百濮見左傳蓋湘桂滇黔間最大之國特不一種故曰百濮滇志僅以順甯當之非也順甯之蒲人蓋亦濮類而春秋與楚戰之濮當在今武陵辰州間大抵戰國之後盡入于楚周書王會篇伊尹定四方獻令正南甌鄒桂國損子產里百濮九菑請令以珠璣璚象齒文犀翠羽菌鶴短狗爲獻呂氏春秋略同可爲古時地兼滇桂交趾之證

開滇

開越南者孝文開甌越者孝武大抵說客武將之功而開西南夷者則張騫爲首兩司馬次之長卿以蜀人而言西南事雅瞻可知子長略卽穉是明又負絕代史才宜乎作西南夷傳其雅瞻更勝于南越諸篇

滇池

滇池之大各書不一史記言三百里太平寰宇記同後漢書滇王傳作周回二百餘里南中志以爲二百里後漢志注引爲二百五十里異物志二百餘里元史張立道傳以

池在金馬碧雞之間環五百餘里地理志以爲五百餘里明史地理志以爲五百里寰宇記引郡國志亦五百里

金馬碧雞

金馬碧雞漢地理志及水經皆以爲在禺同山光景儻忽民多見之司馬彪郡國志青蛉有禺同山俗謂有金馬碧雞其源始于宣帝時方士言益州有金馬碧雞之神王褒傳則曰金馬碧雞之寶褒祭以文則曰金精神馬縹碧之鷄酈道元水經注與李賢注後漢書引之名碧雞頌如淳漢書注金形似馬碧形似鷄左思賦金馬聘光而絕影碧鷄倏忽而曜儀思別傳云先爲金馬電發于高岡碧鷄振翼而雲披昭明集云旣無白馬之文且乏碧鷄之辨梁簡文帝神山寺銘云碧鷄金馬越瀆梁池南詔碑山對碧鷄波環碣石魏書常景傳空柱碧鷄命徒獻金馬文藝文類聚四十五引北齊邢邵廣平王碑文碧鷄自口文苑英華八百五十六引北周庾信謝趙王示新詩啟碧雞主簿無由遂心駱賓王破蒙臉露布地接祠鷄竟無心于改旦今則昆明之山以金馬碧鷄爲

名矣

樊綽續書楊升庵雲南山川考金馬山雲南府城東二十五里碧鷄山西南三十里

山下有金馬關鷄碧關城南有金馬坊碧鷄坊又有

金馬寺碧鷄寺舊督署有金馬臺碧鷄臺建水有金馬市碧鷄市京有金碧園近有謂

金馬碧鷄當在蜀者不知宣帝時方士所言益州即武帝改置之益州郡非蜀益州晉

書地理志漢武帝置犍爲牂柯越雋益州四郡置益州統焉益州蓋始此

兼統漢中巴蜀廣漢

蓋者

疑詞也考此志上文云平帝元始二年改梁曰益文義甚明蜀益州之置實在宣帝以後

漢地理志注

漢書地理志益州郡戶八萬一千九百四十六口五十八萬四千六百六十三縣二十四滇池注大澤在西滇池澤在西北有黑水祠案漢之滇池縣當在今晉寧等地所謂大澤即指今之滇池注不當言有二澤疑注之滇池澤在西五字爲衍文滇池二字涉正文而衍澤在西三字涉上文而衍司馬彪續漢書郡國志益州郡滇池出鉄有池澤北有黑水祠劉昭注澤在縣西見前書可證

昫町

漢書華陽國志昫町作鈎町司馬郡國志作句町地道記曰有文象水即今之瀘江也顧亭林肇域志及滇志以句町爲臨安府無異詞鄭子尹先生巢經巢稿疑之謂漢志此縣下文象水東至增食入鬱增食今南甯府地臨安之水皆入南盤江無至南甯境內入左江者此說非也臨安瀘水即象水由阿迷人南盤南盤流至南甯入左江正與漢志合又先生以水經注之榆水逕同茲縣南又東逕漏江縣伏流山下復出螭口謂之漏江又經賁古縣北與盤江合所謂螭口在今阿迷州境接先生所謂阿迷州有伏流之水甚是但據此而以臨安爲同茲縣非昫町縣亦非也地理之學本不易言況以古地名附合今地尤易乖舛乎

黑水祠

後漢書郡國志益州郡滇池出鐵北有黑水祠劉昭注引華陽國志水是溫泉又有白螭山惟有螭據此則黑水祠之水當是溫泉今俗言黑龍潭水溫是也白螭無考疑爲

俗傳長蟲山

黑水

水經缺黑水篇書正義引水經云黑水出張掖雞山南流至敦煌過三危山南流入于南海按黑水玄趾三危安在屈原已不知黑水漢書有黑水祠蓋望祀也山海經灌湘之山又東五百里曰雞山黑水出焉郭氏無注楊守敬禹貢本義云此文在南山經當屬梁州或以雲南雞足山當之亦未確夫談嶺掌故當据正史斷自莊躋庶乎徵信鑒空之言不辯可也

盛鑒

御覽引西京雜記相如友人盛鑒字長通牂柯名士常問以作賦相如曰合綦組以成文列錦繡而爲質一經一緯一宮一商此作賦之迹也賦家之心苞括宇宙總覽人物斯乃得之于內不可得而傳也五百八十七北堂書鈔補引此文云出十六國春秋一百二按今嶺人傳長通多失其真相如友人而曰弟子牂柯名士而曰樸榆人且曰鑒退而作賦

心四卷王疇五先生又以爲十卷

見微刻
漢詩啟

皆緣地志增飾之故長通卓卓可傳增飾奚爲

慎字之異解

慎字惟慎地用之他處罕見漢歌泛泛演演從高游永平中馬武徙慎吾餘種七千餘口于三輔延熹中段熹爲并州刺史有慎那諸種羌入寇旋詣熹降後二條乃種族之名前則讀若振旅闐闐之闐今皆不用

羽獵賦

揚子雲作羽獵賦有云穿昆明池象滇河臣瓚曰西南夷有昆明國又有滇池故作昆明池以象以習水戰按滇池非昆明池全謝山結綺亭集詳辨之然其誤已久臣瓚此注已覺含混謝山未糾之百密一疏

孟孝琚

孝琚昭通人光緒中孝琚碑出土于昭通白泥井隸法西漢余釋文云丙申月建臨卯嚴道君曾孫武陽令之少息孟廣宗卒一行遂廣四歲失母十二隨官受韓詩兼通孝經

二卷博覽

行二

攷名爲琬字孝琚閔其敦仁爲問蜀郡何彥珍女未娶

行三

十月癸卯於瑩

西起墳十一月乙卯平下懷抱之恩心

行四

其辭曰

行五

結四時不和谐氣滂溢嗟命何辜獨

遭斯疾中夜奄喪

行六

慙忽然遠遊將及幽都歸于電丘涼風淅淋寒冰北流

行七

則痛哉

仁人積德若茲孔子大聖抱道不施尚困于世

行八

淵亦遇此當守善不報自古有之非

獨孝琚遭逢百離

行九

覆恨不伸志翻揚隆滄身滅名存美稱修飭勉崇素意

行十

時流惠

後昆四時祭祀烟火連延萬歲不絕勛于後人

行十一

失雛顏路哭回孔尼魚澹臺忍怒

投流河世所不閔如

行十二

武陽王薄李橋字文平書佐黃羊字仲興

行十四

記李昂字輔

謀鈴下任鯨

行十五

余以丙申爲西漢成帝河平四年碑立于十一月十五日別爲跋以

詳之定爲海內第一石不止滇中第一也惜乎缺其上截每行少七字滇中詞章興于

盛覽而經學則始孝琚其次即爨龍顏之綢繆七經蒙法春秋大義

新唐書蒙世隆子名法乾符中辛議遷幕府徐雲慶

攝使者往觀到善闡府見騎數十曳長矛擁絳服少年朱繪約髮典客伽陀
酋孫慶曰此驛信也引客就帷案飲食乃罷又遣問客春秋大義送使者還

南中志孟爲南中大姓著名者十

餘人大爨碑陰孟姓六人豈孝琚之族耶

後漢書

范以滇池周回二百餘里水源深廣而末更淺狹有似倒流故謂之華陽國志范又以莊豪開滇亦不如史記莊蹻之說爲確李善注立

經同蓋取之
範書以莊

蹻爲莊蹻尤誤

大姓

公孫述時牂牁大姓龍傳尹董董當即秀才董敏九真太守董元乃

族尹當即

叔重弟子尹珍及南州人士尹貢之族武侯時南中大姓有焦雍步襲韋毛李李恢李松爨習雍閭毛晃毛孟孟獲等皆其族也

太康三年李毅爲南夷校尉鎮南中統五十八部夷族朱提大姓李猛牂牁大姓王氏建寧郡有五部都尉四姓及霍家部曲朱提郡大姓朱魯雷興仇遞高李亦有部曲其民好學濱犍爲號多士人爲甯州冠冕永昌大姓陳趙謝楊氏同樂縣大姓爨氏均見南中志志又云諸姓得世有部曲蓋沿武侯之制